

六藝之一錄



欽定四庫全書

六藝之一錄卷四十一

錢唐倪濤撰

石刻文字十七

國三老袁良碑

君諱良字厚卿陳國扶樂人也厥先舜留堽為封君周之興虞闕父典陶正嗣滿為陳侯至玄孫濬塗初氏父字立姓曰袁魯僖公四年為大夫哀十一年頗佐司徒其未或適齊樹而袁生獨留陳當秦之亂隱居河洛高

祖破項寔從其冊天下既定還宅扶樂孝武征和三季
生曾孫幹斬賊公先勇拜黃門郎封關內侯食遺繩六
百戶後錫金紫僊脩城之艷幹薨子經嗣經薨子凶嗣
傳國三世至王葵而豔君即凶之曾孫纘神明之洪陰
資天惠之清剽惇綜易詩而悅禮樂舉孝廉郎中謁者
將佐大匠丞相令廣陵太守討江賊張路等威震涂方
謝病歸家孝順初政咨口口白三府舉君徵拜議郎符
節令時元子光博平令中子騰尚書郎少子璋謁者詔

書辟口口可父事羣司以君父子俱列三臺夫人結髮
上為三老使者口節安車親口几杖之尊袒割之養君
寔饗之後拜梁相帝御九龍殿引君對覲興酒飯賜飲
宴

冊白頃者連遇運害災祿備至陰陽不和寒暑不節管
孔子制義承奉則有興盛之福悞期郎致來咎之變朕
以妙身襲表繼業二九之式今直其際圖記占口愼在
藩國自先帝至德猶有十七國之謀蓋治古者不諱其

難朕追慕社稷之重恐有交會諸國王侯開導以驕滿
之漸令姦邪因緣生慝相以顯選簡練內升管掌符竟
惠櫛哉民故連拔授不問勳次典郡職重親執經緯隱
括在手注者王尊發縱於平陽清約藩輔其節衍然忠
臣之義有獻諫去字去各其加精激濶切防留朕疚心以
戒今特賜錢十萬雜繒世匹壬字玉具劍佩書刀繡文印
衣霖極手帕各一注悉乃心勉密協同便宜數上君子
曰優取之寵於斯盛矣宰縣治郡霖民不思載八十五

以病致仕永建六年二月戊辰卒居巽室廬殯于假館
管行父平仲小國之卿其儉猷稱况漢大夫父子同升
而羸環堵不遭公明實錄之時使前詰孤名而君獨立
於是厥孫衛尉掾司徒掾弘口直刊石位銘其辭曰

飛清邈紛其屬跨高岳

山字

鋪雲際位帝父振淫滅登華

龍眺天坐酌不揮凱以邁民被澤邦畿又寸本息曜其
碣口煌煌數萬古

右漢故國三老袁君碑篆額在開封之扶溝袁君名

良歷郎中謁者將作大匠丞相令廣陵太守議郎符
節令國三老梁相以順帝永建元年卒其孫衛尉滂
立此石滂以光和年為相其作九卿當在靈帝之初
水經云扶溝有袁梁碑者誤也趙氏云唐宰相表及
元和姓纂云袁幹封貴鄉侯八世孫良生昌璋昌生
安璋生滂按袁安以永平四年薨良之卒猶在其後
三十九年又安乃汝南人滂則陳郡人相去歲月甚
遠鄉族皆不同乃以為從父兄弟踈謬甚矣諸書皆云

幹以討公孫勇功封貴鄉侯而碑作公先勇又云封
關內侯食遺鄉六百戶皆莫可考趙氏辯安滂非同
祖其論詳矣然遺鄉侯事蓋在田廣明傳中傳云故城
父令公孫勇謀反衣繡衣乘駟馬車至圍圍使小史
侍之知其非是守尉魏不害共收捕捕之上封四人
為侯小史竊言上問之對曰為侯者得東歸否上曰
汝鄉名為何對曰名遺鄉上曰用遺汝矣於是賜小
史爵關內侯食遺鄉六百戶小史即幹也碑云僊脩

城之鄣者以僊為遷蓋遺鄉其後徙封也碑云袁生當秦之時隱居河洛高祖破項寔從其策太史公書高祖之出滎陽收兵欲東袁生說帝深壁武關令滎陽成臯間且得休使韓信等輯河北趙地連燕齊帝從其計碑所書二事皆與史合惟班史以袁生為轅生左傳載濤塗頤皆作轅古字通用也梁相之冊其文甚溫厚漢志載陰陽交會有陽九陰九之厄此云二九之戒似謂此也張平子賦云合二九而成謫謂

王莽十八年而成變計此冊蓋慮藩方或有七國之
難且云恐有交會非用新室事也元帝窮極幼眇讀
曰要妙此云妙身繼業者讀妙為眇也

釋隸

碑以辟為辟以猷為猶樹即楚字盪即絕字刪即
則字惇即惇字勦即勦字注即往字測即測字取

即賢字迷即沙字

上全

扶溝縣有袁梁碑云梁陳扶樂人

水經注

右漢袁良碑云君諱良字卿卿上一字磨滅陳國扶

樂人也厥先舜苗世為封君周興虞闕父自此而滅
又云滿為陳侯至玄孫濤塗以字立姓曰袁自此又
滅又云當秦之亂隱居河洛高祖破項實從其策天
下既定還宅扶樂蓋不知為何人也又云孝武征和
三年曾孫斬賊先勇拜黃門郎曾孫滅其名賊下又
滅一字又曰封關內侯食遺鄉六百戶薨子經嗣經
薨子山嗣傳國三世至王莽而絕君即山之曾孫也
舉孝廉郎中謁者將作大匠丞相令廣陵太守討江

賊張路等威震徐方謝病歸家孝順初初下數字減
又云府舉君拜議郎符節令其後又云永建六年二
月卒其碑首題云漢故國三老袁君碑而碑文有使
者持節安車又有几杖之尊袒割之養君寔饗之之
語以此知良嘗為三老矣其餘磨滅雖時時可讀而
不能次第也又曰帝御九龍殿引對飲宴九龍殿名

惟見於此

集古錄

右隸書不著書撰人名氏良字卿卿上一字缺陳國

扶樂人歷議郎符節令嘗為三老其額曰國三老袁

君碑碑以永建中立在今開封扶溝

集古
目錄

右國三老袁君碑按元和姓纂云袁幹封貴鄉侯始
居陳郡為著姓八代孫良生璋昌昌生安璋生滂為
司徒唐書宰相世系表云袁生玄孫幹封貴鄉侯八
世孫良二子昌璋昌成武令生安璋生滂以此碑及
後漢書攷之姓纂與唐表殊為踈謬袁安列傳云安
祖父良平帝時舉明經為太子舍人建武中至成武

令今據此碑良以永建六年卒相距蓋百餘年以此知非一人無疑又安以永平四年薨良之卒乃在其後三十九年以此知非安之祖亦無疑也蓋安汝南汝陽人滂乃陳郡扶樂人其鄉里族系亦自不同而安與滂相去歲月甚遠不得為從父兄弟明矣豈二人之祖其名偶同遂爾差謬邪又此碑與李利涉編古命氏皆云良幹五世孫而姓纂唐史皆以為八代孫碑云幹素生之曾孫而唐史以為玄孫諸書皆云

幹以討公孫勇功封貴鄉侯而碑獨作公先勇又云
封關內侯食遺鄉六百戶者皆莫可考安列傳稱祖
良為成武令而唐史謂昌為此官者疑唐史之誤也
又酈道元水經注扶溝城北有袁梁碑云梁陳國扶
樂人事與碑合唯水經誤以良為梁爾袁氏自漢以
來世為著姓安與滂皆一時顯人而諸書於其族系
錯謬如此以此知典籍所載其失可勝道哉

金石錄

漢三老袁良碑在太康縣圍城鎮西南三十里扶樂

城石牛廟又云在縣西北三十里陽夏鄉墓下永建

六年卒葬于此良一作貢

天下碑錄

三老袁貢碑永建六年東京

金石略

中常侍費亭侯曹騰碑

過水四周譙城側城南有曹嵩冢冢北有碑碑北有

廟堂餘基尚存柱礎仍在廟北有二石闕雙峙高一

丈六尺榱櫨及柱皆雕鏤雲炬上學愚已碎闕北有

圭碑題云漢故中常侍特進費亭侯曹君之碑延熹

三年立碑陰又刊石策二碑文同夾碑東西列對兩
石馬高八尺五寸石作粗拙不比光武隧道所表象
馬也有騰兄冢冢東有碑題云漢故潁川太守曹君
墓延熹九年卒而不刊樹碑歲月墳北有其元子熾
冢冢東有碑題云漢故長水校尉曹君之碑歷大中
大夫司馬長史侍中遷長水年三十九卒熹平六年
造熾弟盾冢冢東有碑題云漢謁者曹君之碑熹平

六年立

水經注

右漢中常侍費亭侯曹騰碑文字磨滅其粗可見者
云維建和元年七月二十二日己巳皇帝若曰其遣
費亭侯之國其餘不可識也建和桓帝即位之元年
也後三十七年獻帝中平元年騰養子操始為騎都

尉擊黃巾矣

集古錄

右漢隸不著書撰人名氏騰桓帝時官至中常侍長
樂太僕封費亭侯追加兼諫議印綬碑無所立年月

在亳州

集古錄目

右費亭侯曹騰碑云惟建和元年七月二十二日己巳皇太后曰其遣費亭侯之國為漢輔蕃而歐陽公集古錄乃言皇帝若曰其遣費亭侯之國誤也按後漢書建和元年桓帝即位梁太后臨朝稱制也漢自安順以來閹豎尊寵用事往往封侯貴顯其後騰之孫操及其曾孫不再世數十年憑藉勢力卒移漢祚而有之以此觀之閹豎用事之禍可勝言哉

金石錄

中常侍曹騰碑建和元年立在亳州

金石略

費亭侯曹騰碑陰

維建和元年七月廿二日己巳

皇太后曰其遣費亭侯之國為漢藩輔臨君境內毋有

出

闕

變卒

闕

百姓不可不

愛不愛則不附大臣不親百姓不附可不慎

下闕

制曰

闕

中常侍費亭侯曹騰

騰見克

闕

先帝能自奮拔於險阻

之中不陷号羣小害已之譖遂亦

闕

前後英

謀

闕

進賢納

闕

踐胙之初受爵于東土厥功章然騰

守足退居約身自持遭母憂孝行純薦

闕

慎禮紀喪能

過哀服祥有不忍遠離之恩情

闕

感病毀性早薨朕甚

閔焉詩曰靡不有初鮮克有終騰能終之春秋之義旌

闕

采介呂勸為善及其在殯使燕諫議大

闕

特進贈費亭侯印綬魂而有靈嘉其寵榮嗚呼哀哉

右費亭侯曹騰碑水經云譙縣有曹騰碑題曰漢故

中常侍長樂太僕特進費亭侯曹君之碑延熹三年

立碑陰又刊詔詔策二歐趙不指此為曹騰碑陰失
稽考也本傳云騰自安帝時為黃門從官後以定策
立威宗與州輔等七人皆封侯至大長秋此碑前一
篇建和元年七月己巳就國策書乃梁太后臨朝時
也後一篇乃褒贈制書傳云奉事四帝而水經有据
則其亡在威宗時嗚呼東漢之亡也以閹官雖小人
道長作福作威履霜堅冰勢之必然者蓋上失其道
爾高帝約非有功不侯自和帝封鄭衆而苴茅裂土

者相踵至有同日十九侯者順帝又聽其養子襲爵

騰用事省闈三十餘年其養子嵩至於竊位台輔至

孫操遂問鼎矣

釋隸

昨與阼同篆額今獨存云中常侍長樂大僕特進

費亭曹侯碑

水經誤多四字

吉成侯州輔碑

闕

輔字

闕

世

闕

于矣

闕

君

闕

卿衛特以文明敏達拜小黃門還事

和熹后孝安帝安思皇后時為大宮令孝順皇帝踐祚

之闕復弘拜小黃門遷臧府令當中常侍讓與同郡錡

任後以病孫位起家復拜謁者令中尚方闕遷中常侍

遭順帝棄天下扶佐孝冲孝質帝兼領黃門令順烈皇

后攝政以君舊闕拜長樂大闕遭孝質無嗣乃定冊惟

幕煖立聖主有安社稷之勲建和二年七月己巳詔冊

曰蓋聞春秋之闕采豪毛之善大漢典制有恩澤之封

輔歷世守省恪恭位著建立之際處乎左右常伯之職

同闕協意以亮天功往者鄭衆蔡倫行事科比其封輔

爲葉吉成侯和平中君復轉拜大長秋兼以闕侍之位括

統前後明先帝法令曉舊章之事周密澍慎奉已守度

左寵弗盈能自挹損爵闕日隆持之益懼每所典領威

禁不犯遠惡辟宮不離艱難所謂磨而不粲涅而不緇

者闕朝廷禮之以君考老有机杖之賜年六十有二永

壽二事十二月丙子薨中外咨悼賻贈闕等昔管蘇之

尹楚以直見疎死記其闕張卿之左漢闕季布之闕以

安高后論德比隆君寔誦闕於是鄉人姻族乃相與刊

石樹碑昭宣令問其辭曰

盛德之休實生君侯天授厥美忠貞以闕退翼軒闕達

闕華樞六帝四后是咨是諏錫以寵衣紫艾兼紆幹國

棟家以光以舒後闕禮闕人誰闕泥哉責不

濡闕君守固終始不渝旌之萬祀顯耀永譽

右漢故中常侍長樂大僕吉成侯州君之銘篆額州

君名輔為小黃門大宮令復拜小黃門歷臧府令謁

者令中尚方令中常侍黃門令長樂大僕大長秋封
葉吉成侯以威宗永壽二年卒曹騰傳云與輔等以
定策功封亭侯騰所封者費亭輔之封葉吉成者葉
縣之吉成亭也此碑敘其歷事六帝四后詳贍有史
法與漢代它碑體格絕不同也東郡閻尹挾震主之
威舉動回山海呼吸變霜露及家凶身裂而龜鼎亦
遷矣其碑刻存於今者有四曹騰碑陰乃兩制策爾
此碑謂其恪恭周密在寵弗盈當拜中常侍而遜其

鄉人樊安碑則謂其甘貧樂約不覬榮貴為邑宰所
慢然後慷慨從宦譙敏碑則謂其倍權守靜韜光遠
咎恥與鄰人並驅三人者俱無列傳豈咸有殊操異
於輩流乎譽之必過其實蓋諛墓之辭爾

逕即逮字涅即涅字緇即緇字誦即誦字越字

隸釋

渙水南有漢中常侍長樂太僕吉侯苞冢冢前有碑
基西枕岡城開四門門有兩石獸墳傾墓毀碑獸淪
移人有掘出一獸猶全不破甚高壯頭去地減一丈

許作制甚工左膊上刻作辟邪字門表壘上起石橋
歷時不毀其碑云六帝四后是謬蓋任自安帝
沒于桓后于時閭閻擅權五侯暴世割剝公私以事
生死夫封者表有德碑者頌有功自非此徒何用許
為石至千春不如速朽苞墓萬古祇彰誚辱嗚呼愚

亦甚矣

水經注

右吉成侯州輔碑名字已殘闕其額題云故漢中常
侍長樂大僕吉成侯州君之銘輔名姓見范曄後漢

書宦者傳以定策立桓帝與曹騰等七人同時封為
亭侯今此碑載當時詔書有云其封輔為葉吉成侯
以此知其名輔而酈道元注水經云澠水南有漢中
常侍長樂大僕吉成侯州苞冢冢前有碑其詞云六
帝四后是謬是諷今驗其銘文實有此語獨以輔為

苞蓋水經之誤當取漢史及此碑為正

金石錄

吉成侯州輔碑有碑陰永壽二年未詳

金石略

州輔碑陰

漢陽太守一 闕 故京兆尹延薦林堅故東平相溫貢顯

宗故益州太守駱肅文惠故交趾太守冠軍橋術伯道

故上黨太守州郡當世司徒長史宛任闕 伯陽故光祿

丞宛趙堅耐貞故臨湘令扶闕 仲闕 故鹵令馬浮元顯

廣平令王璋伯玉故廩犧令章陵錢訢禮公車騎將軍

司馬宛闕 守矩小侯新豎鄧辰伯臺故細陽侯相州

寶季珍故河陽長州宗伯興尚書侍郎比陽張超伯載

故海昏侯相謝杲闕 朝郎中州博起世光祿丞州永孟

元公車令州忠耐王故建城長何柜世舉故建昌長唐
超景遠故鄱陽長王福仲昭故南武陽侯相張和仲異
故便長督匡仲英故襄陽長辟敏琳公故郎長州湯伯
德郎中王恭季公郎中陳充廣世郎中州超巨堅故隋
守長州歆宣睢故荊州從事州躰宣睢故荊州從事州
熹伯平故河隄從事張睢伯宗故軟長胡肅伯於宥士
趙訢公甫宥士李闕文德故督郵蘇闕義山故督郵杜
合巨孫故督郵魯陽袁苞景伯故闕守令州稱子明故

府掾杜瑗次高故府掾何進定安故府掾王萇伯闕故

府掾汪直元孝霽士州龍宣興霽士王闕公闕霽士傳

稠公下闕

右州輔碑陰京兆尹延篤叔堅而下題名者凡四十

餘人自東漢以後一時名卿賢大夫死而立碑則門

生故吏往往寓名其陰蓋欲附記以傳不朽爾今輔

一官者而碑陰列名者數十人雖當代顯人如延叔

堅亦預焉有以見權勢之盛如此雖然區區掛名於

此者亦可恥也夫

錄金石

右州輔碑陰自漢陽太守而下四十有九人其八人稱邑曰冠軍曰宛曰章陵曰新野曰比陽曰魯陽皆南陽之邑也餘人唯延篤有傳乃南陽犖人則不稱邑者犖之人也碑云鄉人姻族相與刊石則又知輔為犖縣人也輔當拜中常侍而遜其同郡錡任則輔蓋厚於鄉黨者故其殂而鄉人肯為之立碑趙氏云東漢名卿賢大夫死則門生故吏立碑而題其陰延叔

堅當代顯人挂名于此亦可恥觀叔堅與李文德書
豈登州氏之門者其後坐鉤黨廢錮鄉里至於圖其
形于屈原之廟非始終無疵安能有此靈帝時中常
侍張讓歸葬潁川一郡畢至而名士無往者張甚恥
之太邱長陳仲弓獨弔焉及後復誅黨人張感仲弓
故多所全宥史官稱之曰漢自中世閹人擅恣俗遂
以遁身矯潔放言為高士有不談此者則芸夫牧兒
已叫呼之矣故時政彌惛而其風愈往唯陳先生進

退之節必可度也蓋達而得位則正色立朝不可朋
姦而趨勢及身退窮處則同塵所以遠害固大雅君
子之所尚方叔堅居里而同郡為輔勒石借其名以
為重叔堅亦不得而拒也非若他碑門生故吏之比
趙氏其何疑焉州姓見于簡策甚鮮此碑所題乃十有
三人在內則令公車丞光祿居郎位在外則守上黨
相細陽小者亦為州從事縣令長一璫在朝不但三

人緩帶而已

隸釋

州輔墓石獸膊字

右州輔墓石獸膊字。鄜道元注水經云：州君墓有兩石獸，已淪沒。人有掘出一獸，猶不全破，甚高壯，頭去地丈許，制作甚工。左膊上刻作辟邪字。余初得州君墓碑，又覽水經所載，意此字猶存。會故人董之明守官汝潁間，因託訪求之。踰年，持以見寄。其一辟邪道元所見也。其一乃天祿字，差大，皆完好可喜。之明又云天祿近歲為村民所毀，辟邪雖存，然字畫已殘闕。

難辨此蓋十年前邑人所藏今不可復得矣

金石錄

中常侍樊安碑

漢故中常侍騎都尉樊君之碑

君諱安字子仲南陽湖陽人也厥祖曰仲山父翼佐周
宣出納丕命爲之嘆曰自致中興食采于樊子孫氏焉
亦世載德守業不虧在漢中萊薦生拮媛化合南頓實
產世祖征討遂畔復漢郊廟而樊氏自帝元舅顯受第
土封寵五國壽張侯自公德加位特進其次竝自高嚴

處卿校侍中尚書據州典郡不可勝載爲天下著姓君
秀自好學治韓詩論語孝經兼通記傳古今異義甘貧
樂約意不回感天姿泚慎稟性有直秉操不移不自覲
貴世政促峻邑宰寘識燭賢及德被自勞事然後慷慨
礪曠官巧忝室庶中黃門尤從假史拜小黃門小黃門
右史遷減府令中常侍其事上也貞固密愾矜矜戰戰
化主股肱助國視聽外職不誣內言不泄爲近臣楷楫
是自兄弟竝盛雙據二郡宗親賴榮年五十有六自永

壽四季二月甲辰卒朝思其忠追拜騎都尉寵官印紱
英書褒歎賻贈有加嗣子遷寔呂多弱夙敘丕庸而喪
所天禮備復位呂延熹三年冬十有一月自上烝祭乃
尋雉烈考恭脩之懿勒之碑石俾丕共隧其辭曰

肅肅我君帝躬是翼丕事多難我君是力秉此小心呂
亮皇職惟帝念功庸呂輿服大命傾竇魂神僊伏龜艾
追遷用光其德藹藹遺稱佗呈佗式勒銘慈石蕃示罔
極勲名丕列永昭千億制詔中常侍樊安宿衛歷年恭

恪湫慎嬰被疾病不卒蚤終今使湖陽邑長劉搽追號
安為騎都尉贈印綬魂而有靈嘉其寵榮嗚呼哀哉

延熹元年八月廿四日丁酉下

右漢故中常侍騎都尉樊君之碑無額書其首行如
此樊君名安字子仲歷中黃門冗從假史小黃門小
黃門右史藏府令中常侍漢志有中黃門冗從僕射
而無假史有小黃門而無右史蓋闕文也安以威宗
永壽四年卒其子以延熹三年仲冬烝祭畢始刻此

碑其末又載延熹元年八月丁酉贈騎都尉詔趙氏
遂以碑為元年所立而歐公云字子佑皆誤也壽張
侯者名宏碑在唐州湖陽三五十年來推拓已漫滅
其半矣治平中縣令樂京亦嘗為之再刻

釋隸

碑以公德為功德著性為著姓失隧為失墜作呈
為作程臧即貳字礫即激字嬾即憤字尤即冗字

蚤即蚤字

上全

右漢樊常侍碑云君諱安字子佑南陽湖陽人也君

幼學治韓詩論語孝經歷中黃門拜小黃門小黃門
右史遷藏府令中常侍年五十有六永壽四年二月
甲辰卒其先為中黃門後為小黃門又為小黃門右
史蓋漢官之制今不詳其次序也余少家漢東天聖
四年舉進士赴尚書禮部道出湖陽見此碑立道左
下馬讀之徘徊碑下者久之後三十年始得而入集
錄蓋初不見錄於世自予集錄古文時人稍稍知為
可貴自此古碑漸見收采也

集古錄

右漢隸不著書撰人名字常侍名安字子佑南陽湖陽人官至中常侍追贈騎都尉此碑并追贈制書同

刻以延熹三年立在唐州湖陽縣

集古錄目

延熹元年八月

金石錄目

漢常侍樊安碑安永壽四年二月卒其後勒碑序所歷官今碑在唐州湖陽安故湖陽人也桓帝永壽三年是為延熹之元實自四年六月以改則在二月故猶為永壽但立碑在後自宜以延熹為據也漢自延

平故制壞矣中常侍黃門增舊三倍於永平又改璫
為黃金而貂右矣其勢傾天下觀東觀漢記書宦者
盡敘其所承本系如孫程曹騰為唐叔振鐸後則史
氏畏避不能直筆其於序事可得据耶今碑叙自中黃
門遷小黃門又自此遷常侍或疑其制蓋漢世中常
侍千石小黃門六百石中黃門三百石中藏令六百
石掌中幣帛金銀貨物其序自應如此蔡倫自小黃
門遷常侍而中黃門非大功不得躡小黃門以進此

可得考也漢又有中宮謁者書內從僕射謁者主報
中章宦者漢制主中文書則左右史也此皆不屬少
府而自為一職其制已極宜其能亂天下而卒以亡

漢也

廣川
書跋

後漢樊常侍碑歐陽文忠公已有跋今其文幸可讀
以永壽四年二月卒是年六月改元延熹八月丁酉
制誥湖陽長劉操追授騎都尉印綬至二年十一月
其子勒文碑石俾不失墜而趙明誠金石錄乃以為

元年八月蓋因贈官而不考立碑在後也

益公題跋

郎中鄭固碑

君諱固字伯堅著君元子也含中和之澍質履上仁

闕

孝友著乎閨門至行立乎鄉黨初受業於歐陽遂
窮究古典籍膺游夏之文學襄冉季之政事弱冠士郡
吏諸曹掾史主簿督郵五官掾功曹入則腹心出則爪
牙忠呂衛上清呂自脩犯顏蹇悍造膝危辭加呂好成
方類推賢達善遠遁退讓當世呂此服之邦后玠璋呂

為儲舉先屈計掾奉我闕貢清眇冠乎羣彦惡能簡乎

聖心延熹元年二月十九日詔拜郎中非其好也呂疾

錮辭未滿期限從其本規乃邁凶愍年卅二其四月廿

四日遭命隕身痛如之何先是君大男孟子有楊烏之

才善性形於岐嶷闕見於蚤髡年七歲而友大君夫人

所共哀也故建闕共墳配食斯壇呂慰考妣之心琦

瑤延呂為至惠不紀則鍾鼎奚銘昔妣闕武弟述其

兄綜闕行於夔陋猷冒敢忘乃刊石呂旌遺芳

其辭曰

於惟郎中寔天生惠顧親誨弟受恭竭力敦我義方導
我禮則傳宣孔業佗去模式政事上忠呂自勛貢計王
庭華夏歸服帝用嘉之顯拜殊特將從睢意色斯自得
乃遭氛災隕命顛沛家失所怙國闕忠直俯哭誰訴印
啼焉告嗟嗟孟子苗而弗甌奉我元兄脩孝罔極魂而
有靈亦歆斯勒

右漢故郎中鄭君之碑篆額鄭君名固威宗元熹元

年卒固以曹掾事其郡將而云犯顏審諤造膝詭辭
漢人用事不拘礙如此秦紀引賈生云九國之師逡
巡遁逃而不敢進陳涉世家則刪逡巡二字班史又
作遁巡故顏師古讀遁為逡而詆潘岳用遁逃為非
游俠傳逡逡有退讓君子之風此云逡遁退讓蓋用
史記語歐讀為巡趙又惑於顏注子謂皆當讀如本
字

碑以悖為諤以佹為詭以錮為固以幙為模質即

質字馱即獨字暈即曷字最音愒

全上

右漢郎中鄭固碑文字磨滅其官闕卒葬年月皆莫
可考其僅可見者云君諱固字伯堅孝友著於閭門
至行立乎鄉黨初授業於歐陽仕郡諸曹掾史主簿
督郵五官掾功曹又曰忠以衛上清以自修其餘殘
缺不復成文又云元熹元年二月詔拜而不見其官
惟其碑首題云漢故郎中鄭君之碑以此知其官至
郎中爾漢隸刻石存於今者少惟余以集錄之勤所

得為獨多然類多殘缺不完蓋其難得而可喜者其
零落之餘尤為可惜也 又云延熹元年二月之下

一本云詔拜郎中非其好也以疾錮辭年四十二遭
命殞身而中間又有遠遁退讓之語適當作循錮當
作固疑漢人用字多假借又疑以疾錮辭謂疾已堅

固若云以疾篤辭覽者詳之

集古錄

右漢隸無書撰人名氏固字伯堅延熹中仕至郎中

集古錄目

右郎中鄭君碑賈誼過秦論云九國之師遁巡而不
敢進顏師古曰遁音干尋反流俗書本巡字誤作逃
讀者因之而為遁逃之義潘岳西征賦云遁逃以奔
竄斯亦誤矣今此碑有云推賢達善逡巡退讓詳其
文義亦是逡巡之義然二字決非一音蓋古人用字
與後世頗異又多假借故時有難曉處不知顏氏何
所據遂音遁為逡乎

金石錄

右漢郎中鄭固碑歐陽公謂碑文磨滅官闕卒葬年

月皆莫可考予家本磨滅尤甚蓋以去歐公之遠也
而隸釋所載文字獨完其云君著君之子延熹元年
四月廿四日遭命隕身年四十二則門閥與卒固可
考也歐公所錄在隸釋之前而乃云若此不可曉也

金蘇
琳琅

郎中鄭固碑八分書延熹元年今在濟寧州儒學其
文有云逡巡退讓者逡巡之異文也管子桓公楚然
逡遁漢書平當傳贊逡遁有耻周禮司士注儀禮士

昏禮大射禮公食大夫禮鄉射禮注禮記玉藻注皆

同 金石文
字記

議郎元賓碑

上闕 字元賓魯相之孫成德 下闕

東安平令北海

相 下闕 守之弟子中年令兄子也君生也即有殊摻循

孝行 下闕 鄉黨乾乾積善念於濟人故朋疇宗親

受爵位者皆 下闕 也加有聰明叡据之才博五經

之滋味覽羣書之要 下闕 圖藉搞翰著作時人莫

能豫其思辯論

下闕

文章爛

下闕

孝廉元弘名於

三署揚清屬於海內除倉龍司馬詔

下闕

試經

第一衛尉察尤異遷吳令憲春陽以加惠則陰

下闕

擊有高宰鄭見思之歌視事二稔民用寧康以不媚

下闕

雲之高翻暑色斯辟州從事雖進

闕

退不枉

尺直擗

下闕

罕聖朝旌勲公車徵拜議郎當豐 姁

媁光國興家

下闕

毓職我良人車卅八延熹二年

二月

卒夫子閔

下闕

咨嗟使者臨弟賻贈持

加於是族廣門人莫不傷疼

下闕

立銘以詠君德

其辭曰

上闕

邇無倫揚休聲為三臣播忠冊列帝庭名顯章

光四

闕下

建靈石岳鴻勳昭來据示後昆

摻即操字
爛即爛字

右議郎元賓碑在今亳州姓名已殘闕所可見者云

字元賓魯相之孫又云舉孝廉除倉龍司馬衛尉察

尤異遷吳令視事二稔民用康寧州辟從事公車徵

拜議郎年四十八延熹二年二月卒使者臨弔賻贈

特加其餘文字完好者尚多惜其名氏皆亡也

金石錄

右議郎元賓碑在亳州碑無額故不得其姓石缺又
失其名元賓以孝廉入三署除倉龍司馬衛尉察尤

異遷吳令辟州從事召拜議郎以威宗延熹二年卒

漢宮掖門每門司馬一人比千石蒼龍司馬主東門

蓋衛尉之屬也元賓為九卿所察由千石而治縣時

以為遷近歲亦嘗詔從臣薦士矣皆超授二千石刺

史而不以為過其肯以千石中都官而出宰百里者乎碑云有喬宰鄭即國僑也翻暑色斯則以暑為翫又枉尺直搨則以搨為尋也

釋隸

議郎元賓碑延熹二年未詳

金石略

田君碑

右漢田君碑今在沂州其名字皆已磨滅惟云其先出自帝舜之苗裔自完適齊因以為氏乃知為姓田爾又云周秦之際家於東平陽君總角修韓詩京氏

易究洞神變窮奧極微為五官掾功曹州從事辟太尉延熹二年辛亥詔書泰山琅邪盜賊未息州郡吏有仁惠公清撥頓整化者試守滿歲為真州言名時牧劉君知君宿操表上試守費自此以後殘闕不可次第而隱隱可見蓋無年壽卒葬月日而有故吏薛咸等

勒石勒銘之語乃費縣令長德政去思碑爾

集古錄

右漢隸無書撰人名氏田君名字皆缺亡不可見東平陽人也延熹中泰山琅邪盜起以選為費令碑以

永康中立在沂州

集古錄目

封邱令王元賞碑

右漢王元賞碑云君諱某字元賞御史君之孫茂才君之子也歷秦及漢有國有家宰相牧守踵武相襲又曰遭父喪以孝立稱土堦環堵兼業並受門徒雨集盛於洙泗又云郡察孝廉郎中謁者宛陵丞封邱令母憂去官服祥辟司空府延熹四年五月辛酉遭命而終其文字磨滅隱隱可見者如此其名既亡又

不序其姓惟其銘曰於惟王君以此知其姓王爾

集古

錄

右隸書不著書撰人名氏碑以延熹四年立王君嘗
為封邱令辟司空府元賞其字也碑已漫滅元賞之
名及其鄉里皆不可見故以其字稱之

集古
錄目

右封邱令王君碑其姓名已殘闕所可見者字元賞
而已云察舉孝廉郎謁者考工苑陵葉封邱令而銘
文亦有撫臨三國之語歐陽公集古錄云為苑陵丞

者蓋誤以葉字為丞爾

錄金石

封邱令王元賓碑隸額兩行所存其下令碑二字歐
趙皆以為王元賞予所得者却是元賓字畫分明非
是測度其彷彿是紹一碑之中不可識者纔數字王
君以察孝廉為郎謁者故銘詩云宿衛帝側嘗宰宛
陵葉封邱三城故云王用錫命撫臨三國以延熹四

年卒

續隸

延熹四年立集古作修廟碑金石作王元賞

漢隸
字原

延熹四年立集古金石並作元賞隸續云元賓字畫

分明非是測度

石墨
錫華

王元賞碑陰

右王元賞碑陰載門生姓名有云右奔喪右斬杖三
年余嘗謂聖人之制禮為可繼也無過與不及之弊
務合於中庸而已禮曰事師無隱服勤至死心喪三
年孔子之喪門人疑所服子貢曰昔者夫子之喪顏
淵若喪子而無服喪子路亦然請喪夫子若喪父而

無服彼漢人為王君乃為斬衰之服於禮無乃過乎

金石錄

王元賓碑陰四橫稱故吏者四人有名字郡邑者十數人餘皆凋落不備其中有立碑錢各五百之文又有右奔喪右斬杖三年之文歐趙有其碑而亡其名碑云門徒雨集盛于洙泗故衰杖過禮等于事父惜乎碑石淪碎姓名不能盡見歐云碑有錢各五百字似是修廟人所記其可見者濟陰定陶蔡顥子盛山

陰金鄉張諺季德又時有故吏字不知為何人祠廟
按此碑既有故吏又有奔喪斬杖之文謂之修廟人
題名非也威宗延熹四年立

續隸

右碑陰題名不知為何人碑余家集錄古文既多或
失其所得之自然漢碑存於今者惟華嶽與孔子廟
最多其陰往往列修廟人姓名并記其所出錢數不
過三百至五百今斯碑所題文字闕滅而中間有錢
各五百四字則似是修廟人所記其人可見者有濟

陰定陶蔡顥子盛山場金鄉張諺孝德河南宛陵趙
堂世萇南陽南鄉鄧升升遠濟陰成武周鳳季節而
其餘人姓名邑里多不完又時時有故吏字不知為
何人祠廟第以漢隸難得錄之爾

集古錄

平輿令薛君碑

右平輿令薛君碑文字完好云惟延熹六年春二月
平輿令薛君卒烏虜哀哉吏民其咨咨君之德廼建
碑石于墓之側其後有銘三百餘言敘述甚詳惟不

載其名字世系故莫得而考焉

金石錄

漢故平輿令薛君碑隸額前有敘凡三十六字大畧云平輿以延熹六年二月卒吏民咨其德建碑于墓之側次有銘詩三百四言文雖無缺而不書其名字其云我君肇祖廼侯于薛者謂夏之車正奚仲也

隸續

延熹三年未詳

金石畧

